



**JUDICIAL SYSTEM MONITORING PROGRAMME**  
**PROGRAMA MONITORIZASAUN BA SISTEMA JUDISIÁL**

*Komunikadu Imprensa*

*11 Feveiriu 2014*

**JSMP hamutuk ho Organizaun Feto sira seluk hala'o *briefing* ba membru GMPTL**

Iha 5 Feveiriu 2014, JSMP liu husi Unidade Justisa ba Feto (WJU) hamutuk ho organizasaun sira hanesan UN Women, ALFeLa, Fokupers no VPU hala'o *briefing* ba membru Grupo Mulheres Parlamentár Timor-Leste (GMPTL) nain rua ne'ebé sei partisipa iha konferensia kona-ba "Konsultasaun Estratéjia no Prátika Diak ba Eliminasau Violénsia Kontra Feto. Konferensia refere sei hala'o iha Chiang – Mai Thailandia, iha 12 Feveiriu 2014.

Objektivu husi *briefing* ne'e, fahe informasaun kona-ba dadus aktual, estratéjia no prátika diak husi kada organizasaun hodi prevene no elimina violénsia doméstika. Iha *briefing* ne'e informasaun ne'ebé JSMP apresenta mak dadus aktual husi monitorizasaun JSMP iha tinan 2013 ba kazu violénsia bazeia ba jéneru, progresu no dezafiu iha prosesu justisa formal ba kazu violénsia bazeia ba jéneru.

*"JSMP orgulhu tanba ba dala 3 ona JSMP hetan oportunidade hodi bele fahe informasaun husi aktividade ne'ebé mak JSMP hala'o ba membru GMPTL. JSMP espera katak ho *briefing* ne'e bele kontribui haforsa mekanizmu advokasia iha nivel nasional nomós iha tempu hanesan ajuda membru GMPTL atu hatene diak kona-ba situasaun aktual feto timor hodi aperzenta iha eventu sira hanesan ne'e,"* dehan Diretór Ezekutivu JSMP, Luis de Oliveira Sampaio.

Diretór Dirasaun Pesquisa no Informasaun Teknika Sr. Luis Nascimento de Jesus A. Da Costa, SE.MM, iha ninia intervensaun hato'o agradese wain ba parseiru sira tanba bele fo ona tempu atu bele fahe informasaun sobre servisu ne'ebé mak kada organizasaun hala'o. Aleinde ne'e subliña mos katak sociedade sivíl hanesan fontes informasaun jéneru ne'ebé diak, tanba ne'e nia husu atu kolaborasaun ne'e bele kontinua iha futuro.

Observasaun JSMP iha *briefing* ne'e hatudu katak membru GMPTL sira hato'o sira nia laran haksolok no interese tebes durante sesaun *briefing* ne'e.

Atu hetan informasaun kle'an favor kontaktu direktamente:

Luis de Oliveira Sampaio  
Diretór Ezekutivu JSMP  
Telefone : 3323883/7295795  
Diretsaun e-mail, [luis@jsmp.minihub.org](mailto:luis@jsmp.minihub.org)